




1540





高太史大全集
三

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches © The Tiffen Company, 2007



高太史大全集卷之七

吳郡高啓季迪著
南州徐庸用理編


五言古詩

曉卧丁校書軒

窓月澹欲失
朧朧逼初曙
屋外鳥聲多
應知有嘉樹
殘香掩幽寢
未事澄紛慮
頗似宿東岩
僧齋竹深處

水上盥手

盥手愛春水
水香手應綠
泫泫細浪起
杳杳驚魚伏
怡悵坐沙邊
流花去難掬



贈漫客

畸人誠達生，聳叟亦曠士。漫客乃其徒，放意在雲水。
有山即漫遊，有竹仍漫止。漫吟不求工，漫飲不須美。
與物無留情，所適皆漫尔。人生本漫寄，何事紛戚喜。
與子作漫交，逍遙論茲理。

書睡甚適覺而有作

閒屋况懶拙，盡日無營為。掩室聊自眠，一榻委四肢。
向暄思益昏，南窓滿晴曦。吾神誰能繫，八表從所之。
殷憂常苦縈，茲焉忽如遺。有身不自省，此外安得知。
覺來隣鷄鳴，已過亭午時。如遊釣天還，至樂不可追。

我意在有適，寧顧朽木嗤。猶勝夸毗子，塵中爭走馳。

秋日端屋

秋意日蕭索，郊園霜露餘。出遊無山水，聊復守吾廬。
巷轍久已斷，山瓢仍屢虛。非其寂寞者，誰樂此閒屋。

夢鍾離兩兄

淮水去不極，淮山與偕馳。鍾離兩僊客，路遠歸何期。
孰云歸無期，此夕乃見之。握手說辛苦，杯觴復同持。
須臾忽驚別，我夢方自知。雖夢亦足喜，况乃歸來時。

雨中留徐七賁

江寒宿雨在，落葉滿村濕。留君繫君艇，莫犯風潮急。

試問欲歸城誰家借蓑笠

看刈禾

農工亦云勞此日始告成往穫安可後相催及秋晴
父子俱在田札札鏹有聲黃雲漸收盡曠望空郊平
日入負擔歸謳歌道中行鳥雀亦群喜下啄飛且鳴
今年幸稍豐私廩各已盈如何有貧婦拾穗猶惻惻
晚步遊褚家竹亭

落日猶半野閒來潭上遊非因戀幽賞聊欲散煩憂
澄波魚唼夕荒竹鳥吟秋不是愚溪上胡為吾久留
召脩元史將赴

京師別內

承

詔趣嚴駕晨當赴京師佳徵豈不榮獨念與子辭
子自歸我家貧賤久共之閨門靄情懽寵德不以姿
天寒室仍罄何忍遠去茲

王明待細文不暇顧我私念念愧子勤為我烹伏雌
携幼送我泣問我旋軫時行路亦已遙浮雲蔽川坻
宴安聖所戒胡為守蓬茨我志願裨

國有遂幸在斯加餼待後晤勿作悄悄思

早發土橋

空山遠無驛逢旅聊可宿懷征候鳴鷄燃帶續我燭
僕夫昨行苦爛熳睡正熟呼之愧怱怱推車出茅屋
高岩尚懸斗深谷未升旭欲亟去返遲怪石暗屢觸
思當在家樂日晏始舒足胡爲此行邁霜露勞局促
王事靡敢辭非關徇微祿

車過八岡

上岡如登天下岡如決川勞哉挽車夫呀喘當我前
兩轆闢欲摧玉石厲且堅我行閱其僊時下息彼肩
雖非古羊腸實懼覆輿顛如何道路子卓來競連連
白日已傾仄我行尚迴遠安得駕逸足平野起飛煙

寓天界寺雨中登西閣

片雲出鍾山陰滿江東曉幽人閣上寒風雨啼鴛少
紅塵禁陌爭綠樹層城繞不爲怨春徂離懷自憂悄

送陳四秀才還吳

君是故鄉人同住宅鄉住同來不用返惆悵臨分處
手把長干花回望長洲樹恐起憶家心愁題送君句

送聯書記東歸

旅寓古寺間得與名僧屋時因簡牘暇共諦楞伽書
倚閣山暄後步廊月生初屢聞貞詮妙一使羈縻舒
茲晨別同袍言旋舊精廬飛雲自無滯愧我焉能如

東浦秋正遙西齋夜應虛傷離固知安相送聊踟躕
送禮部傅侍郎赴浙西按察

聖主想賢哲夫君歛來東姓名簡

膏聽召對明廷中彷彿似其先夢寐相感通秉綸坐
西掖曳履遊南宮復輟要迓屛往試澄清功糾郡握
使節炎天凜霜風顧余謀珥筆言咲獲屢同魚端此
分袂離抱何忡忡

對園柳

依依客園柳來時未堪折今看夏條長上有新蟬烟
芳序惜推遷佳人念離別秋風莫遽起旅思方騷屑

僕至得二女消息

我僕持尺書來自我故鄉讀書意未了呼僕問彼詳
云我兩小女別來稍已長大女手捧捺窓前學縫裳
小女啼啞啞走索瓜果嘗喜爺有使歸迎門各踉蹌
我坐聽此言欲慰意交傷稍近尚爾思更遠何能忘

菊隣

菊本君子花幽姿可相親清秋發孤艷似避東風塵
采采霜露餘繁英正鮮新車馬不過賞相看但幽人
幽人苦愛菊自是柴桑倫閑園誰與語蔽栽四爲隣
入徑朝摘遠循籬暮觀頻一壺每對酌折花挿盈巾

殊勝處俗里歌呼醉遭嘆

出城東見古松流水坐憇久之

空潭寒無藻瑩淨涵青天長松百餘株扶踈繞潭邊
我行值幽境坐賞忘歸旋清風似相娛西來忽潑然
水動松亦鳴紛披復淪漣群鷗盡驚矯疑是龍吟淵
微瀾蕩餘暉流響散遠煙靜聽意已消何須撫徽絃
安得卜此居一謝塵中緣朝來潭上坐暮向松間眠

夜坐天界西軒

明月出東閣照我坐前軒諸生夜已定寂寞與誰言
煙幔螢微度風條蟬罷喧清景雖堪悅終嗟悲故園

京師嘗吳粳

新杭粳如玉遠漕來中吳初嘗愛精鑿想出官田租
我本東臯民少年習耕鋤霜天萬穗熟恣啄從飢鳥
日暮刈穫歸妻孥共歡呼茅屋夜春急風雨江村孤
晨炊滿家香薦以出網鱸如今幸蒙

恩遨遊在 南都門前半區田別來想已蕪長年盜
寸廩補報一事無投匕忽歎息飽食慙農夫

為因師題松梢飛瀑畝

松風散飛瀑夜作濤聲急棲鷗起空山如驚鬼神入
定僧寂無聽任洒袈裟濕

送周四孝廉後酒醒夜聞鴈聲

別時酒忽醒客去唯空舍
風雪鴈聲來寒生石城夜
遙憶渡江船正泊楓林下

畚內寄

落月入曉閨相思不須啼
我非秋胡子君豈蘇秦妻
風從故鄉來吹詩達京縣
讀之見君心寧徒見君面
稜草不易絕割水終難開
行雲會有時飛下巫陽臺
莫信長安道花枝滿樓好
白馬繫春風離愁坐將老

貞氏女

余在史館日淡次有言姚文公承旨翰林

時嘗飲玉堂有侍妓閩語者詢之乃貞文
忠公裔孫也父為莞庫負縣官錢鬻之以
償遂流于娼家公愍之白于執政落其籍
以嫁院吏黃逮後至顯官同館之士聞
之多賦詩者余亦為作一首

妾恨非緹縈上書動天子自鬻償縣官
幸得脫父死誰知故相家
朱身虛狹斜遂令園中栢
翻作道傍花當筵唱金縷
朔客驚闕語相問忽相怜
開籠放鸚鵡棄置舞衣裳
新理嫁時裝良人身作吏
不是販茶商花釵映羅扇
初與郎相見貴賤古難常
妾心那敢怨

願即去作官莫掌官錢穀生子但生男家門免多辱

送李架閣赴山西行省

日暮踰大河北望古晉疆萬里饒風沙地接戎與羌
翩翩并州兒躍馬能挽強古來事爭奪百戰在此場
聖皇剋群雄撫劍定八荒瞻茲形勝都建侯樹藩方
披榛開幙府賓從皆才良所期偃甲兵民物自此康
山河罷阻險沃野多耕桑君行願努力遠別庸何傷

送王掾判官之上黨

群林萃京師有若奔海川盍簪向華館唯君最韶季
忽行佐名邦輟理金匱編朝辭

紫閣下暮宿黃河孺馬上看太行日落萬里煙
我我天井關高城鬱相連遺氓得少安時清罷戈鉞
亟行勿憚遠

聖意煩承宣

登句容僧伽塔望茅山

高登大士塔遙望仙人峰茲峰夫何如玉削三芙蓉
雲深句曲樹日落華陽鍾長君昔飛昇駕挾雙白龍
至今學道處洞府留靈蹤丹泉夜吐光瑩草春含茸
仙應笑我愚塵世苟自容胡不鍊爾形歸來蔭長松
望仙指尺間不隔雲海重貞訣儻肯授執鞭願相從

贈楊滎陽

嘉陵美山水亦復富文彥楊君產其邦材拔性高狷
布衣走名都早入藝林選客屈稷下談王邀鄴中宴
出門得名聲不假親舊援匣劍未久埋囊雖已先見
吐詞實現竒讀者心欲顛刀鳴聞夫勇花安笑女倩
如觀廣場中百戰張曼衍平生眼無人遇我獨相善
陌頭每並出兩騎無後先喜從兔園遊慙受狗盜薦
君歌我固服我賦君亦羨墮蓬吟帽烏踏席舞裙茜
醉中共笑語往往雜諧諺有時出城西山水恣攀踐
岩眠曙猿驚澗飲夏鶯轉吳宮妓去榭蕭寺僧開殿

龍門剝陰苔高什記題徧歡遊正相酣世事忽驚變
朋儔半生死一性如激電我棹返江潯君車赴淮甸
旋聞逐流人屋濛又移汴一身去何賡空橐唯破硯
危塗晚行疲欲進足如冒狼來樹杪避蝎走燈下見
渡河自撐篙水急船斷牽及至秋已深舊褐風裂片
難尋高陽飲空弔鄆陵戰

聖恩忽如憐收接佐山縣卑曹敢云辭執版謁府掾
官庖盡炊藜民賦半輸絹低飛蓬蒿間不異雉帶箭
有親寓京師年老闕供饌欲奉朝夕歡去職胡敢擅
晨上宰相書得歸遂微頓上堂具珍鮭呼婦賣釵釧

我時別君久問訊愧無便空題憶君詩細字書滿卷
今春被

詔起前史預編撰始來長干門楊柳正飛燕逢君風
塵餘不改舊顏面握手話苦辛悲喜雜慶唁客中雖
無錢自寫賒酒券邀來臥東閣月出初鎖院君言涉
艱難壯志今已倦回頭悟前非更名慕遠瑗君近改
名去非
我聞棠谿金不畏經百鍊胡為暫失路遽欲老貧賤
吾皇奮神武四海始安奠棧通諭夷文驛走徵士傳
時巡抗霓旌肆覲冠星弁功成萬瑞集禮欲議封禪
君才適時需正若當暑扇手持照國珠胸出補衮線

便應上金鑾立對被

天眷嗟余忝載筆鼠璞難自銜幸茲際昌辰魏闕寧
不戀但憂誤蒙

恩不稱終冒譴秋風楚潮滿歸舸帆欲轉君若念故
友殷勤一相餞

寺中早秋

秋風入寺早孤客驚離索斜日數蟲懸槐花雨餘落
砧聲起廢苑篔簹色淒高閣獨伶明鏡中玄髮猶如昨

天界翫月

洪武二年八月十三日元史成中書表進

詔賜纂脩之士一十八人銀幣且引對
獎諭推授庶職老病者則 賜歸于鄉閭
二日中秋諸君以史事甫成而佳節適至

又樂

上賜之優渥而惜同局之將違也乃即所寓
天界佛寺之中庭置酒爲翫月之賞分韻
賦詩以紀其事啓得衢字云

聖主念前鑒述作徵名儒群來高館間廁跡愧我愚
孰謂此責輕毫端有褒誅書成進 丹陛名對共拜
趨去留雖不同雨露均沾濡已淹三時勞可廢一文

娛况逢端正月當空照眉湏流光滿金界境與人間
殊廣庭布長筵嘉肴薦芳腴豈唯多士集亦有名僧
俱興酣貴形忘諧笑不復拘觴竹豈辭勤仰看轉斗
樞明晨即分袂此樂誠湏更人生四海間相見皆友
于不知誰使令流蕩無根株忽然此相遇旋復成天
隅願各崇令名道遙步享衢明年重見月相憶當長
吁

寄題鄞縣青山寺鍾秀樓

東湖秀可攬造化夙所聚聞有釋子屋雲中構層宇
剝出辨遠岑帆迴識脩渚鳥外月上海虹邊樹含雨

願言此登眺去作逃禪侶西崦暮鍾時憑闌共僧語
晚出趨朝

正冠出門早杳杳鍾初歇嘶騎踏嚴霜驚鴉起殘月
逶迤度九陌窈窕雙闕長鄉本踈慢深愧陪朝謁

送顧式歸吳

顧君野王孫與我生共縣故鄉未曾識却在他鄉見
留連忽東還長揖袖詩卷自言吳中好稻熟湖蟹賤
欲卧煙雨舟醉讀三萬傳余方謬通籍講帷近清殿
故園豈不懷

君恩正深戀遠欲謝鄉人殷勤附君便

御溝觀鷺

白雪泛金塘群翻動曙光危樓翹獨趾亂唳引脩吭
池中鷓可並廷內鷺難行自憐觀詠者江湖興未忘

夢姊

我家白頭姊遠在婁水曲昨夜夢見之千里地誰縮
不知別已久尚作別時哭覺來旅齋空風雪洒窓竹
田家有弟妹終歲喜相逐我非王事縻胡忍離骨
肉城東先人廬尚有書可讀何當乞身還親爲姊煮

粥

荅定水寺芭公

日晏初出院間齋一蕭然忽枉名僧書始知在清泉
憶昔雲岩屋共締林中緣夏陰繞澗吟秋霽開閣眠
睽合苦難常別來歲頻遷趣同貴道在跡異慙名牽
明月出東海想照空山禪無因荷衣襍往禮高峯前

謝翰林留別

啓與同郡謝君微同徵又同官翰林洪武

三年七月廿八日

上御闕樓召對擢啓戶部侍郎謝吏部郎中俱

以踰冒辭即蒙

俞允賜內帑白金放還于鄉

江左稱謝家奕葉多名人君今復秀發瓊枝邁風塵
顧余忝鄉里才華敢論美 冊詔偶見徵雲蘿歛同
起謁

帝入九關咫尺瞻

天顏從茲謀通籍接武諸公間朝侍 青坊讀夜陪

玉堂宿講罷分 御養吟成刻官燭出入在

兩宮與君無不同自燕本鷗鷺亦得隨鷓鴣朝朝禁
門下聽鷄共騎馬上國多故人情親似君寡並

命超列卿 寵極翻憂驚我叨掌國計君佐持銜

借辭向

明主叩 天聽

天語勅賚內帑金東還特相許拜賜出

皇都人言似兩疏月明照官錦同棹入中吳吳中故
鄉道兩歇秋光好青山度水迎喜我歸來早落日下
長洲分携忽解舟如何到家喜却有別君愁別君去
還邇只隔吳江水離思與秋長蘆花三十里來往片
帆通相期作釣翁高歌雖鄙野猶可贊

王風

過白鶴溪

昨發白鷺洲今過白鶴溪溪流幾回轉只在晉陵西

月出女猶浣雲深猿自啼茅峰雖咫尺無計躡丹梯

至吳松江

江淨涵素空高帆漾天風澄波三百里歸興與無窮
心期弄雲月迢遞辭

金闕晚色海霞銷秋芳渚蓮歇久別釣魚磯今朝始
拂衣忘機舊鷗鳥相見莫驚飛

始歸園田七首

辭秩還故里永言遂遐心豈欲事高蹇屋崇自難任
清晨問田廬荒蹊尚能尋秋虫語左右翳翳黍麻深
別來幾何時舊竹已成林父老喜我歸携榼來共斟

問知

天子聖歡然散顏襟相期畢租稅歲暮同謳吟

白露蕪草木荒園掩窮秋歸來一芟理始覺吾廬幽
高柳蔭巷踈清川映門流落日望禾黍離離滿西疇
乍歸意自欣榮杖頻覽遊名宦誠足貴猥承悞慙尤
早退非引年
皇恩未能酬相逢勿稱隱不是東陵侯

睡覺

爐熏靄宿潤秋滿牀屏裏曙色透窓來幽人眠未起
風驚露樹怯日出煙禽喜却憶候東華朝衣寒似水

與王徵士訪李鍊師遂同過師林尋因公

玄館啓貞境紺園闕清香茲晨兩地遊乍出器煩鄉
鳥鳴桂花落澗戶秋風涼開士演金偈羽人薦瑤觴
亦有詞苑英清芬吐華章愧我自微起束帶忝周行
山林久在念那期復來翔睽合固知妄去來亦何當
誰言道各異妙契宜相忘

兩夜宿東齋

砌冷一蛩急窓空諸葉稀蕭條風雨夜幽卧掩牀幃
隣杵聽已歇齋燈看向微勿憂歲暮計聊食故山薇

效樂天

誰言我久賤明時已叨祿誰言我苦貧空倉尚餘粟
辭闕是引退還鄉豈遷逐舊宅一架書荒園數菴
菊俗緣任妻子家事煩僮僕性懶宜早閑何須暮年
促猶著朝士冠新裁野人服杯深午醉重被暖朝眠
熟旁人笑寂寞寂寞吾所欲終老亦何求但惧無此
福功名如美味染指已云足何待厭飽餘腸胃生疾
毒請看留侯退遠勝主父族我師老子言知足故不
辱

新春飲王七孝廉家

江雨靄江郭寒姿變春華鳥欣已交音梅慘尚吐花

此時高堂上晨起獨感嗟歲換固有常時清樂無涯
蕭蕭風吹巾竹外度遠沙相過偶一醉今夕怜酒家

詠軒

肅肅布華榻冷冷罷朱絃臨楹一流睇幽事忽滿前
池草方依微庭柯正蔥芊偶爾發孤詠聊茲寫中悵
景融理自得詎辨強與妍猶慙至妙意寂寞非言宣

施君眠雲堂

君字可堂眠雲其號也

古弁一高士白雲與之儔性懶復好眠招雲宿林丘
下雲作簟席上雲作衾裯雲去稍舒膝雲來正蒙頭
平生無心夢雨雲兩悠悠自言眠雲樂世無一可侔

浩然身欲飄若乘無倪舟朝至乎帝鄉夕返乎仙洲
寧知日月旋但覺乾坤浮天鷄叫不醒宵宵空岩幽
我觀山川氣出入不可求或逐鸞鶴翔或從蛟龍遊
或爲風伯驅狼藉不得收或遭兩師怒奔走無能休
小生膚寸間大覆遍九州變化實多狀欲筭苦費籌
柰何一室中爾獨解使留我行塵務區頓出久未由
舉足常防危開眼即見愁不如閉戶眠往尋孔與周
愧無山中緣雲笥相從不惟當去從爾一夢三千秋

卧東館簡諸友生

抱疾卧東城文墨成久荒翔鴻乍流響時菊忽殞芳

繁陰盡不舒何如殊積傷良儔秉高誼寡昧豈見忘
車馬限泥潦無由接華觴平居歡固難况乃時非康
何以度茲運相勗蹈其常

答張院長雨中見懷

林園寢扉掩閑坐道心生山藥翻寒色塘漪含曉清
乍遠枉芳札遠憶愧深情此日知同寂梧牕聽雨聲

春日言懷

暮歸東市門道路聞悲啼駐馬一借問答云征人妻
征人新戰歿飲恨沉黃泥有兒在哺下飢來食無糜
擔將割慈愛棄去從東西我看巢中燕雛長隨母飛

皇天仁萬物，兼照理弗遠。此獨何奇偶，不能與之齊。
躊躇去復顧，使我心肝摧。

施澤阻風

客行阻風濤，捨舟步江側。荒村經戰餘，草木盡愁色。
夜投土屋中，月出林半黑。燃薪燎我衣，炊黍作我食。
夜長關塞寒，歸夢何由得。遙想倚閭親，中宵淚橫臆。

送張隱君歸耕西山

山中久無人，秋風桂樹衰。朝逢還山客，言趣白雲期。
人出君乃適，嗟哉此何時。東岡有良田，負耒當自治。
四體雖云勞，歲晏可免飢。而來未能返，驅車竟何之。

過硤石

青山夾長溪，溪上有魚市。土門閉落日，野氣白於水。
市行車迹外，鳥起鐘聲裏。吳語問居人，到州還幾里。

懷徐七

哀鴻已鳴渚，落葉初覆陌。故園當授衣，却思遠行客。
客行日已遠，我思日已積。東南望歸棹，鳥去煙波夕。
憂來不成言，滿抱空戚戚。豈無一尊酒，黃花爲誰摘。

四栢

堂前四小栢，羅立二尺長。始栽附南墀，遠移自東岡。
春夏衆草芳，翳沒成久荒。低枝網虫懸，暗葉螻蟻藏。

不沾夕露氣每隔朝陽光我病廢菱理覽之屢彷徨
玄冬戒嚴候迅風激飛霜蕪穢忽自除鬱然露蒼蒼
恍若群梟散鵝鷓得翱翔乃知受命正雖弱自可強
循步賞勁色撫攀挹微香幸得依我居勿令縱牛羊
他年培養成凌雲孰能量後凋誠足貴早厄庸何傷

高太史大全集卷之八

吳郡高啓季迪著

南州徐庸用理編

七言古體

唐昭宗賜錢武肅王鐵券歌

妖兒初下含元殿天子仍居少陽院諸藩從此擁連
城朝貢皆停事攻戰岐王已去梁王來長安宮闕生
蒿萊天目山前異人出金戈雙舉風煙開羅平惡鳥
啼初起犀弩三千射潮水歸來父老拜旌旗醜酒推
牛宴鄉里擊裘駿馬騎春風錦袍玉帶真英雄詔書

特賜誓終始黃金鏤字旌殊功虎符龍節彤弓矢後
嗣猶令赦三死盡言恩寵冠當時天府冊書未踰此
摩挲舊物四百年古色滿面疑蒼烟天祐宰相署名
在尋文再讀心茫然古來保族須忠節愛此幾人還
覆滅王家勲業至今傳不在區區一方鐵人生富貴
知幾時泰山作礪徒相期行人曾過表忠觀風雨斷
辭埋殘碑

太白三章

太白初升北斗落行人早起車鳴鐸豈願身離父母
邦山川路遠非不惡貧賤未知生處樂

太白正高北斗低行人出關雞亂啼他鄉無人是知
已欲歸未歸東復西弊裘愧見家中妻
太白猶懸北斗沒行人衣上霜拂拂下馬飲酒歌苦
聲新豐主人莫相忽人奴亦有封侯骨

江上看花

兩年京師不見花青衫白馬驅塵沙今年江邊偶無
事狂醉欄慢尋春華遊蜂飛蝶日妍暖紅紫正發紛
交加穿蹊每入隣媪圍叩門或到山僧家漸老都無
少年樂底用蕭鼓隨行車攀條繞樹對吟詠不忍歸
去至日斜花應得我相慰賞似咲欲舞爭矜誇我如

無花亦寂寞閉戶有酒誰能賒夜來茅屋卧聞雨曉
起走看成咨嗟飄英墮萼不可綴餘艷只似銷殘霞
明知春色不久住豈料便去難留遮野鶯啼罷一回
首恨與芳草盈天涯

中秋詠月張校理宅得南字

八月望夜天如藍海色卷霧山收嵐玉盤元沉龍窟
底忽起萬丈誰能探初來空中光尚濕嬌娥寒髮風
鬢髮人言一年此最好金精水氣秋相涵小星盡去
大星在芒角欲吐敢與忝天將洗眼照下土啖食肯
縱妖蟻貪穿深窺暗不遺隙罔兩忌影逃岩嵌前年

客中憶見之家人怨別方喃喃荒山不知佳節至垂
首凭案尋書蟬但怪流輝入敗戶油燈失皎留孤龕
起行陰林不用炬剥啄獨叩峰西庵虵蛇亂踏心膽
悸怪影走石皆楓楠即呼道人共載酒放舟直下夫
容潭翻翻驚鷓落樹杪吹笛正和鳥飛南今年在舍
反寐冥暗室困卧如僵蚕乾愁無端負良夜月固不
言我則慙人無賢愚競翫賞况我清景性所耽忽憶
諸君隔河水持被就宿聆高談為呼老婢掃庭宇一
席盤釘梨與棊江城重閉萬家寂樓鼓近聽絕過三
空塔淒其覺露泣虛牖窈窕疑煙含婆娑欲留月伴

影素鸞西下煩停騫明宵復出已難似動別經歲嗟
何堪尊前此月又此客世所難遇心應諳關山幾處
未解兵擊析不寐愁丁男南隣歌舞北隣哭月雖同
照異若甘何人爲我揮天戈乾坤多難俱平戲行者
得還屈者樂清沆所及恩皆覃懸知此願未易遂憂
來舉盞從沉酣須臾衆散曉虫急古桂吹落自耗耗
送王太守遷雲間
男屠猪羊女醮酒共禱神祠留太守太守今年遷大
州除書已下誰能留兩州相去無百里失君應愁得
君喜安得如君數十人一時盡福東南民

謝陳山人贈其故第長司所畫山水

大髯袖中有廬霍嵐氣噴人寒色薄出贈生絹一幅
圖云是小髯之所作我嘗游君伯仲間仲今已沒空
見山畫中無限礚礚意使我坐見愁滿顏重厓複澗
迷樵路煙蘿冥冥晝如暮溪閣風生醉客眠野橋月
出歸僧度榭林蒙密楓林高深處似有猩猩蹄滿空
雲凍動秋思飛泉落日何蕭騷揮毫若此難再得白
鶴何時返鄉國良工自古多苦心留賞人間賴遺墨
南宮北苑皆已仙此畜與之當並傳坐嗟存歿意難
報作歌愧匪瓊瑤篇

書夢贈徐高士

真人高居紫霞房靈津夜灌通挑康其神不彫駐景
光名籍早入丹臺藏道成驂蚪面虛皇凌攝梵炁遨
穹蒼下視群生墮迷方倏忽起滅更喜傷我嘗夢遊
至其傍廣庭淨發衆妙香仙媛神官儼成行坐考雲
笈披琳琅稽首歸依大鑿王願憫濁世同淪亡龍根
珍脯不可嘗但覺允火燒飢腸身心俱病孰爲攘王
言授我何敢忘空山無人覺在林海月未落天蒼茫
佐卿化鶴來吾鄉朱冠縞衣傾而長篋中活人何所
持苓參朮芎枳桂薑學仙曾聞道非常幸賜大藥和

陰陽擔黍飛裾上翺翔人間徧施甘露漿掃除熱惱
俱清涼疾苦不生壽無量

劉松年畫

樵青刺篙勝搖漿船頭分流水聲響青山渺渺波漾
漾白鷗飛過時一兩載書百卷酒十壺日斜出遊女
兒湖隣舟買得巨口鱸醉拍銅斗歌嗚嗚此樂除却
江南無

題武昌魏槃所藏畫

楚山遠吐叅差碧虛閣開臨繫船石沙樹凋時鄂渚
秋江鷗沒處湘潭夕閣中幽人坐讀書書聲入水驚

龍魚欲吹短笛相尋去黃鶴磯頭好待子

送葉卿東遊

聞君辭家今幾年布衣綫斷芒屨穿江湖夢迴燈火
夜聽雨每憶山中田兵戈忽斷故鄉路雖有兩足歸
無緣上書願雪父兄耻畫地聚未籌山川居然無成
困送旅白日但看孤雲眠時人不容禰生傲坐客豈
信毛公賢黃金已盡酒徒散壯士反爲兒女憐飢吟
倚壁氣未餒有事病鶻棲荒烟却欲南遊探禹穴僕
夫整駕鷄鳴前波濤翻江畏飢鱈霧雨連海愁飛鳶
相逢誰肯問憔悴山水自爲窮人妍乾坤無家去何

止飄泊不異迴風船區區願君自愛惜今古遇合無
非天亂離貧賤何足數王孫亦在道路邊我今豈少
四方志讀書坐破林頭蘊恩讎兩無欲誰報送子空
歌寶劍篇

題韓長司所藏山水圖

參卿昔在西安幙騎馬看山時出郭終南秦華勢最
高橫作秋雲掃秦廓秦川漢苑萬里開酒醒望遠登
荒臺日斜滑上歸人渡岳暗閑中飛雨來此處奇觀
絕天下何事歸來猶看畫畫中小景似江南黃葉漁
村見烟舍莫戀江南真故鄉尊鱸炊熟酒船香美人

不是滄洲客去去宜登白玉堂

黃石山房為金華山人賦

山人不飯粳稻香笑指白石為候粳金華之石猶可
食元是舊牧初平羊荆榛拾歸夜深煮自言久服能
輕舉但令隨處有雲根不問青天旱無雨我生無力
耕西疇硯田欲枯抱飢憂便當從君學此術絕勝乞
米監河侯

九日與客登帝丘至夕放舟過太平山

昨日風雨今日晴天意令人作重九登高未用憶龍
山弔古竟須尋帝阜秋清人稀葉滿寺殿齒無聲石

苔厚我來但欲問前王不知伯氣銷沉久下穿山骨
葵弓劍銀海夜寒空不朽樓臺荆棘今幾變英雄誰
似青山壽十年自歎在塵土鷄鳴起逐途人走茲遊
喜出世網外相携况是同心友盤梯共上峰頂塔欲
觀東海攀北斗中原不見鴻鴈來浮雲萬里空回首
鍾聲催送晚出寺棲鴉已滿祠前柳秋風吹林客醉
時夕陽下嶺僧歸後山留好月續清景乘興夜過漁
村口放船不覺露沾衣滅燭始看星在留金陵酒熟
來謫仙赤壁歌殘泣嫠婦人生此樂信難得夢幻功
名有時有它年何必問誰健但今不負持螯手詩成

底用刻山石爲寄龍門說空叟明朝來借白雲泉淨
洗從前千劫垢

夜發錢清

錢清渡頭船夜開黃茅苦竹聞猿哀客官醜酒水神
廟風雨滿江潮正來蒸飯炊魚坐蓬底不覺舟行兩
山裏棹歌早過越王城東方未白啼鴉起

草書歌贈張宣

昔聞汝祖東吳精醉傳草聖醒而驚汝今能飲不滿
杓逸氣欲與相崢嶸高堂把筆若把槊長綃一拂悲
風生陰垂大澤雷雨過響破巨峽波濤傾颺颺遊絲

冒晴晝落落高斗回寒更飲猿連臂深澗絕飢鶻揆
翅荒烟橫自言靜裏觀萬物故能變化窮其情嗟余
少本好劍舞學書晚方從父兄終焉懶惰不得就塵
滿硯田長廢耕覽時撫事每有感胸次硤碑何由平
空齋往往出怪語吟聲相應飢腸鳴篇成請君爲我
寫墨瀋洒壁從奔崩是時黃雲閉歲暮返照忽出寒
江明手随意到不留阻正似突騎陰山行令嚴不聞
戈甲響一夜下盡名王城安得師行亦如此頃刻坐
見乾坤清喧呼作譌聊贈汝愈使流淚沾衣纓

獨遊雲岩寄周砥

城西諸山非不奇我遊獨與茲山宜紅櫻春開山後
寺白水夏滿山前陂幽居况與山不遠鍾鼓每到空
齋惟兩餘烟中落日下曳杖往讀頭陀碑兩岨蒼蒼
石色古枇杷樹高陰滿池殿燈欲昏上群鼠塔鈴已
靜蹲孤鷓與乘即遊興盡返迎送豈要山僧知困窮
喪亂豈無感正賴此境忘吾悲嗟君何為乃自苦破
羈短策塵中馳挂帆能來亦未晚浦口三日南風吹

練圻老人農隱

我生不願六國印但願耕種二頃田田中讀書慕堯
舜留待四海昇平年却愁為農亦良苦近歲征役相

煩煎養蚕唯堪了官稅賣犢未足輸丁錢虺鬻縣吏
叩門戶隣犬夜吠頻驚眠雨中投泥東鑿塹冰上渡
水西防邊幾家逃亡閉白屋荒村古木空寒煙君獨
胡為有此樂無乃地邇秦溪仙門前流水野橋斷不
過車馬唯過船袂風初涼近芒種戴勝曉鳴桑樹顛
短衣行隴自課作兒子饁後妻耘前白頭雖復勞四
體若比我輩寧非賢旅遊三十不稱意年登未具粥
與餽便投筆硯把耒耜從子共賦幽風篇

嘗蒲桃酒歌

西域幾年歸使隔漢宮遺種秋蕭瑟誰將馬乳壓瑤

榛蓬天鷄未鳴夜谷暗海鶴已去秋壇空丹厓碧澗
瑤草歌洞府一閔魚由通陌頭驚逢李道士自說柱
史爲吾翁傍人相傳解起死袖裏有丹如日紅我聞
安期古榮士親見楚漢爭雌雄終然濁世不肯住渡
海徑去先飛鴻玄洲東望總只尺彩霞幻結金銀宮
何當共赴食棗約三花醉折春濛濛迴看城郭煙霧
杳大笑下士真沙蟲

聽教坊舊妓郭芳卿弟子陳氏歌

時至正己亥歲作

文皇在御昇平日上苑宸遊駕頻出仗中樂部五千
人能唱新聲誰第一燕國佳人號順時姿容詭舞總

能竒中宮奉旨時宣喚立馬門前催畫眉建章宮裏
長生殿芍藥初開勅張宴龍笙羅奏鳳絃停共聽嬌
咲一鴛囀過雲妙響發朱唇不讓開元許永新綉陛
花驚飄艷雪文梁風動委芳塵翰林才子山東李每
進新詞蒙上喜當筵按罷謝天恩捧賜纏頭蜀都綺
晚出銀臺酒未消侯家主第強相邀寶釵珠袖尊前
賞占斷春風夜復朝回頭樂事浮雲改瘞玉埋香今
幾載世間遺譜竟誰傳弟子猶憐一人在曾記霓裳
學得成朝元隊裏藝初呈九天聲落千人聽丹鳳樓
前月正明狹斜貴客迴車馬不信芳名在師下風塵

一旦禁城荒誰是花前聽歌者從此飄零出教坊遠
辭京國客殊方閉門春盡無人問白髮青裙不理粧
相逢爲把雙蛾蹙水調梁州歌續續江南年少未曾
閒元是當時供奉曲朝使今年海上歸繁華休說亂
來非梨園散盡宮槐落天子愁多內宴稀始知歡樂
生憂患恨殺韞休老無諫傷心不見昔人歌汾水秋
風有飛鴈此日西園把一危感時懷舊盡成悲含情
欲爲秋娘賦愧我才非杜牧之

沐屏山水圖歌

畫師知余愛青山久墮塵網無由還故將列岫寫屏

障使我卧起於其間從此長如宿清境枕上分明見
峰嶺爐烟曉入帳中飛擁被驚和白雲冷丹崖碧樹
層層開江雨遠遂孤帆來就中樓閣是何處彷彿神
女巫陽臺楚山脩竹瀟湘水似有清猿忽啼起江南
千里夢遊歸半床落月高堂裏

方隱君山園

吳興城南山水勝竹樹叅差萬家暎幽深誰似隱君
園車馬不來鷄犬靜兩溪迴通柳巷曲一峯立對柴
門正東西別墅恰更好孤棹往來隨晚興總令種菜
不種桃新製長鏡木爲柄家僮頗解侯天時隣叟還

能論地性交交林路翳復開活活野泉流不定清晨
聞鳥欣獨往濃綠潑晴畦色淨老葉垂根孤蚓踈殘
英綴梗群蜂競乍紫新蔓喜籬長欲迸晚茅嫌土硬
此時採擷自足飽肯爲食肝煩縣令古來名園悉可
數金谷辟疆誇獨盛鑿石圓開弄月池買花深作行
春徑愛妾宵陪乘燭宴狎朋晝接流觴詠長年歡樂
豈知極迴首芳菲屬宅姓只今誰解問遺蹤斷甃摧
垣無一剩乃知厚業要德守那得衰榮但言命君能
勤儉遺子孫應有佳名書郡乘

觀顧蕃所藏宋賜進士絲鞭歌

臚傳殿下呼名字進士新充探花使內人縮結綵鞭
成恩與宮袍一時賜不用頻將柳下揮馬蹄得意自
如飛影曩夕陽何處去曲江園裏宴初歸天街直拂
花枝過擇婿高樓彩毬墮令人把玩憶當時零落春
風幾縷絲

憶昨行寄吳中諸故人

憶昨結交豪俠客意氣相傾無促戚十年離亂如不
知日費黃金出遊劇絲裘蒙茸欺北風霹靂應手鳴
雕弓桓王墓下沙草內彷彿地似遼東城馬行雪中
四蹄熱流影欲追飛隼滅歸來笑學曹景宗生擊黃

漳飲其血臯橋泰娘雙翠娥喚來尊前爲我歌白日
欲沒柰愁何迴潭水綠春始波此中夜遊樂更多月
出東山白雲裏照見船中笛聲起驚鷗飛過片片輕
有似梅花落江水天峯最高明日登手接飛鳥攀危
藤龍門路黑不可上松風吹滅岩中燈衆客欲歸我
不能更度前嶺緣峻嶒遠携茗器下相候喜有白首
楞伽僧館娃離宮已爲寺香逕無人欲愁思醉題高
壁墨如鴉一半歌斜不成字夫差城南天下稀狂遊
累日忘却歸座中爭起勸我酒但道飲此無相違自
從飄零各江海故舊如今幾人在荒烟落日野鳥啼

寂寞青山顏亦改須知少年樂事偏當飲豈得言無
錢我今自筭須未老豪健已覺難如前去日已去不
可止來日方來猶可喜古來達士有名言只說人生
行樂耳

明皇秉燭夜遊圖

華萼樓頭日初墮紫衣催上官門鎖大家今夕燕西
園高藝銀盤百枝火海棠欲睡不得成紅粧照見殊
分明滿庭紫綵作春霧不知有月空中行新譜霓裳
試初按內使頻呼燒燭換知更宮女報銅籤歌舞休
催夜方半共言醉飲終此宵明日且免群臣朝只憂

風露漸欲冷，妃子衣薄愁成嬌。琵琶羯鼓相追續，白日君心歡不足。此時何暇化光明，去照逃亡小家屋。姑蘇臺上長夜歌，江都宮裏飛螢多。一般行樂未知極，烽火忽至將如何。可憐蜀道歸來客，南內淒涼頭盡白。孤燈不照返窺人，梧桐夜雨秋蕭瑟。

黑河秋雨引賦趙王孫家琵琶蓋其名也

胡天夜裂天垂泣，雲壓鷹低翻翅濕。鬢玉醉影抱寒驚，檀殿嘈嘈箭鳴急。紅冰淚落衰燈下，倒卷河流入絃瀉。瘦駝卧磧歇鈴車，朴朔陰沙鬼行野。漢魂私語鬢風淒，都護營荒咽凍鞞。蘭山水葉連愁起，散入塞

門三萬里，夢斷金蟾隔烟小。青冢理聲秋不曉。

期張校理王著作徐記室遊帝阜

前身似是雲水僧，餘習愛覓名山。登寂伶帝阜在平地，一立勢敵千峻嶒。缺厓滌滌翳密葉，歌石兀兀纏危藤。昔年無事恣幽賞，拄杖叩門來屢曾。風廊聽竹移廣簾，雪屋煨芋明高燈。禪堂素壁醉題滿，老衲喜客無噴憎。別來三載困塵土，散落略盡同遊朋。谷猿清叫烟霧隔，宵夢欲往天曹曹。幽懷鬱抱不得寫，一月雨聲眠枕肱。相親尚有北郭友，材盡齊楚慙曹滕。張君名駒稟神駿，王子快鶻生鋒稜。並淹客館校遺

籍雲路萬里遠騫騰徐卿亦是瑚璉器遠後又欲行
擔登明朝山鵲定鳴霄跬步可遊何不能一林一澗
幽景在遙想與鵲無虧增朱櫻綠筍雖已過正愛夏
木陰層層欲營此行况甚易婦有藏酒魚新曾出城
不必借車馬已辨布韞青行膝吾儕雖窮自有樂相
聚豈比蟲翳翳亂離撥棄且勿道願賦妙語留傳謄

廣陵孫孝子愛日堂

昔自中原兵甲動志士憂時久心痛千村殺戮鷄狗
無骨肉誰家保相共楊州受禍聞最深徒恃堅城鐵
爲甕城中義丁一百萬坐委溝谿不成用至今草長

髑髏臺月黑精靈尚哀慟君時負親獨窟匿何異網
魚逢脫縱遠道秋風舊索空長江暮雨孤帆重竭來
吾鄉今十年孝友爭傳似張仲雖嗟故里未能歸却
喜新堂還可奉盡歡唯啜小人羹致養寧湏大官俸
只愁老景苦駸駸羲馭西馳疾飛鞚晝看花影頽遲
移晚聽角聲驚早弄長繩未解繫飛鳥每計餘年憂
且恐嗟余少已先庭闈宰木亂來無地種欲娛朝夕
難再得誰惜流光去如夢自慙不及君慶多洒淚蓼
莪空廢誦寸心猶願時早平重爲河清作歌頌萬國
同看化日長生能養親死能送

贈胡校書奎

我初遇子東海濱，苧衫蓆帽凌風塵。登城觀濤共歎息，見者不識何如人。歸時憶近者，燈節孤舟夜過黃岡。雪書來書往，道加殮。幾日相逢，五年別，再會之計何悠哉。我未及去，君能來。秋風吹棧，大湖水乘興上得。吳王臺，吳王臺前白楊柳，西施去後吳娃醜。四海同爲此地人，百壺獨買誰家酒。更尋豪客作夜遊，歎弄明月琵琶洲。有愁爲君亦蕩滌，何況我輩元無愁。醉中狂談君可恕，且共周旋莫歸去。秋光已美，逼重陽好爲黃花三日住。

溫陵節婦行

泉州陳氏婦夫泛海溺死守志

妾家溫陵近南浦，嫁得良人業爲賈。良人長年愛遠遊，不敢新粧睨門戶。販寶遙聞去，百蠻朝朝海上望。青山不仁無那蛟龍橫，漂沒孤舟不得還。君非渡河老，狂父波濤如山。何不顧尋屍，便欲赴窮淵。膝下嬌兒誰與哺，十載空閨守寸心。滄溟水淺恨情深，願身不化山頭石，化作孤飛精衛禽。

吞余左司沈別駕元夕會飲城南之作時在

園中

青帝行春氣初播雲沍餘陰苦難破江頭碧草生未
長戰馬寒嘶乾殘壘炊烟冷落雨中濕隣屋時聞有
啼餓我愁鬱鬱但欲眠案上詩書慵自課却思去歲
屬無虞元夕共歡人幾箇高堂細聽落梅歌手擘黃
柑香噴座客酬主勸總忘曉看盡繁燈逐星墮祇今
照市但群蜂樂事淒涼誰復作故人念我有二子省
內卽官府中佐別離兩月不相逢身佩弓刀從戍邏
欲尋舊賞慰勞役笑拂尊前且安坐老兵折簡走相
呼謂我閉門無乃儒黃昏遠就向城南敢惜春衫凍
泥沍軍中有會異尋常牛肉瓮肥酒卮大胡奴帳下

出琵琶復拊銀箏與相知燭殘未聽荒鷄啼絃斷忽
驚哀鴈過須臾顏熱起叫噓不記亂離仍輒軻更聲
析析繞旗門劍匣搭頭容醉卧歸來又辱寄新詩錦
水滄腸珠落唾豪吟自欲繼燕歌悲調豈將同楚此
覽之幾度感深情曲高和難非懶惰我生無力本何
用衣食自來供馬磨雖家鄉曲餒虛名正似南箕不
堪歎君才於世俱可珍周賈東遊挹竒貨艱危壯氣
喜彌激利器未施寧忍挫頗聞原野多殺傷風雪呻
吟苦無那吾儕斯樂豈易得應愧皇天恩獨荷明年
此文會昇平把酒相邀更相賀

江上晚過隣塢看花因憶南園舊遊

去年看花在城郭今年看花在村落
花開依舊自芳菲客思居然成寂寞
亂後城南花已空廢園門鎖鳥聲中
翻怜此地春風在映水穿籬發幾叢
年時遊伴俱何處祇有閒蜂隨繞樹
欲慰春愁無酒家殘香細雨空歸去

兵後逢張孝廉醉

前年遠別君父子遭亂相傳皆已死
今朝南陌忽逢君為識人中語音似君言
從親渡海濤欲避兵禍辭官曹間閔僅得返鄉里
脫命羅罔真秋毫問我胡為

亦憔悴十月孤城陷園內艱難兩地得俱全
政荷皇天憐我輩相看握手非偶然
痛飲豈得愁無錢城中故舊散欲盡
君來使我忘憂恂還思當年事未改車馬紅塵浩如海
等閒第化秦灰試問主人誰復在請君看此應感吁
世間富貴皆空虛客遊且莫更彈鋏讀書歸臥先人廬

夜飲丁士侃宅聽琵琶

江月未出明星懸主人飲客夜不眠
坐呼伶兒撥四弦龍頭高撚玉軫圓
轉闕未奏雙索先勞嘈咽切斷復連
澁如清澗溜凍泉細若綠樹吟秋蟬
忽然繁急

何轟闐風沙滿把撒四筵鴈行驚起飛不聯浮雲落
葉俱綿綿一聲抹斷萬里烟夢入紫塞愁胡天問渠
怨恨有幾千口不能說指爲傳令人悵望思往年梁
園楚榭長周旋帷中曲宴羅綺鮮夜遣飛騎迎嬋娟
低鬟出拜絳燭前文絲香綳搭左肩曲項紫鳳抱半
偏楓香一調妙入玄好手正可羞紅蓮座間豪客皆
詞仙舉杯邀我賦短篇贈之醉寫蜀錦牋可當十萬
纏頭錢如今遠客江海邊欲聞絲音久無緣故人已
散陵谷遷生死流落俱堪憐今宵聽此真偶然顧影
憔悴非昔妍長河欲曙落遠川暫當歡娛反憂煎向

隅無言涕淚漣此身如在潯陽船

曉睡

野夫性慵朝不出弊簣蕭然掩間室村深無客早敲
門睡覺長過半簷日林聲寂寂鳥鳴少窓影交交樹
橫密此時欹枕意方恬一任休風亂書帙昔年霜街
踏官鼓欲與群兒走爭疾如今只戀布衾温悟後前
計應多失厨中黍熟呼未起妻子嗔嘲竟誰恤天能
容老此江邊無事長眠吾願畢

東池看芙蓉

江天搖落逢秋抄滿目殘荷與苦蕒東家喜有木芙蓉

容幾樹繁開依綠沼穠豔低將流水暎寒香遠逐迴
風裊半愁霜露倚蕪設老去徐娘猶窈窕天公似厭
秋冷淡故發芳龍媚清曉莫嗟不及見陽春車馬塵
埃相汙少吳王宮廢斷行客湘女祠空掩啼鳥何如
此地獨來尋靜對嬋娟散憂情蘭舟雖無美人採日
暮孤吟自行繞明朝重到恐消覓零落紅雲波渺渺

謝廬山宋隱君寄惠所製墨

瓦篝自掃烟埃濕風雨空山杵聲急香爐峰前五粒
松燒成片玉玄香濃寄我團團未磨缺有如蝕盡天
邊月陶泓日暖水滿池雲氣忽起秋淋漓茅屋光寒

容心懼上有蛟龍欲飛去便思寫檄驚天驕夜磨楮
鼻水不銷又思作賦獻天子曉出洛陽價增紙我今
年少才不多兩事未能如墨何但學顛狂如醉旭頭
髮可濡秋未禿

美人撲蝶圖

花枝揚揚蝶宛宛風多力薄飛難遠美人一見空傷
情舞衣春來綉不成乍過簾前尋不見却入深叢避
鶯燕一雙撲得和花落金粉香痕滿羅扇笑看莫向
園中歸東家西家休亂飛

次韻周誼秀才對月見寄

空林鶴鳴草堂靜挂影亭亭月初正憐君獨卧對中
秋尊酒無人起相命夜深詩成遣寄我自訴窮愁兼
疾病嗟余比君愁更多舊感新憂來每併前年看月
綠茗園賓客當筵一時盛自吹橫笛倚清歌痛飲不
知醜屢罄去年園中在北郭何異孤豚落深穿登樓
強欲攬清輝刀斗連營不堪聽今年旅寓向江渚暫
喜東南亂初定間來未厭戶張羅貧去唯愁室懸磬
牧兒耕叟共來往邨得衣冠解相敬久居村野坐自
鄙銷盡豪懷與狂興風塵無復舊時顏愧見相逢問
名姓朋友凋零江海空弟兄離隔關山迥良宵佳月

雖可賞羸影窓間竟誰並迢迢河轉漏初長撼葉
鳴風稍勁此時倚壁自孤吟只有蛩聲與相應初疑
此月定非月應是人間照愁鏡還思人愁月豈知何
苦多憂損情性一生能幾見此月盛年若去尤難更
明宵圓景未便虧落盡夫容江色淨君能強起從我
歡共入空明恣遊泳直期枕藉向舟中不管遙天垂
斗柄

高太史大全集卷之九

吳郡高啓季迪著

南州徐庸用理編

七言古體

姑蘇臺

金椎夜築西山主，
傑作高臺貯歌舞。
文身澤國構王基，
却笑仙人獨何苦。
銅鋪玉檻成繁華，
幻出峰頭一片霞。
望處直窮三百里，
後時應廢幾千家。
蟠空曲路迷仙仗，
攀盡瑤梯繞到上。
外繞雕龍宛轉欄，
中施綉鳳歲。
旌帳熏爐長藝爵，
金香共道千齡樂。
未央茂苑

月來秋佩冷洞庭雨過夏綃涼當窓衆妓如仙女揚
袂迎風欲輕舉人從天上見經過鳥向雲間驚笑語
日暮橫塘花盡開捲簾臺上望王來宴舟初自觀魚
返獵騎還從射鹿迴從登不用持鉞隊自列紅妝侍
高會香傳羅帕進黃柑縷切鸞刀供玉鱸燭光遠落
太湖波驚起魚龍出沒多城上烏啼河漢轉此時誰
問夜如何管絃嘈嘈聒人耳不聞兵來渡溪水欲携
西子走登舟醉倚畫欄嬌不起瞑目無因到甬東可
憐一炬綺羅空獻榴竟墮讐人計賜劍應孤諫士忠
客來試問遺宮路物色荒涼總非故襍衣始信不虛

言滿地荆榛見零露當年爭奪苦勞機却把江山付
落暉聞說越王臺殿上如今亦有鷓鴣飛

初入京寓天界西閣對辛夷花懷徐七記室
去年寺裏開辛夷君來憶我曾題詩今年我來君已
去思君還對花開時欲尋花下君行迹日暮空庭古
苔碧殷勤把酒問花枝看過春風幾行客

題高彥敬雲山畵

尚書生長臺下慣識風沙草漫野何由得見山水
鄉烟嶺雲林遠能寫平時四海作宦遊高興寂愛江
南秋雲溪清晚刻溪晚閑解狂轡尋扁舟此中謝屐

曾經處半是啼鴉棲宿樹斷橋旗下問農歸遠寺鍾
邊訪僧去風流一沒歲未遙坐覓遺迹成前朝何當
遍覓畫中景
聖恩已許後漁樵

百花洲

吳王在時百花開畫船載樂洲邊采吳王去後百花
落歌吹無聞洲寂寞花開花落年年春前後看花應
幾人但見枝枝映流水不知片片墮行塵年來風雨
荒臺畔日暮黃鸝腸欲斷豈唯世少看花人縱來此
地無花看

畬余新鄭

前年吳門初解兵君別故國當西行有司臨門暮驅
發道路風雨啼猿嬰倉黃不敢送出郭執手暫立懷
憂驚我時雖幸脫鋒鏑亂後生事無堪營移家江上
託地主閒園借得親鉏耨耕春朝起沐日照屋野卉雜
發鳴鷓鷯思君萬里不可見對此涕淚如盆傾有壺
當軒忍自酌有句存春邀誰評走按北郭問消息一
客為我言分明君初隨例詣
闕下有

旨謫徙鍾離城賁無囊金從無僕棄家獨去何惻惻
長淮粘來趣前渡牙眼怖客浮鼉鯨到州鞠躬謁太
守脫去官籍儕編氓城荒無屋寓來客旋乞廢地誅

逢荆異鄉何人恤同患喜有揚子兼徐鄉日高破窻
烟未起閉戶不絕哦詩聲去年

聖恩念逐客特賜枚抵加朝纓勅君赴汴聽銓擢
路美舊驛猶千程沙河無雨夏雲熱茅蒿夾岬多蛟
蝨舟中感癘得下泄月攪腸腹聞伊嚶荒途無藥相
救療伏枕兩旬幾殞生終藉神明佑吉士疾勢漸脫
身強輕一官署作新鄭簿捧檄已去詢田更我雖歷
歷聽客語虛實未察憂難平初春

天子下明詔欲慕前史羅儒英非才亦辱使者召辭
謝不得來南京日斜出局訪君舍草滿陋巷春泥

晴入門小女識父友延拜學訴艱難情且云父意念
家遠新遣兩卒來相迎須臾出君寄我札上有秀句
如瓊瓊自陳前事頗一一與客舊說無虧盈讀終呼
卒問彼士卒言幾年經戰爭河山蕭條雖小民少
奸詐多淳誠春秋古稱鄒子國漆洧水活魴魚頰唯
兔咻草間走雉雉角角乘顛鳴谷深稀逢種田者
時有射戶棲山棚霜天赤棗收幾斛剝食可當江南
稅官來撫民務無事鞭挂壁上無敲榜寒廳吏散獨
坐嘯遠對嵩少當簷楹聞之離抱頓舒豁如吸清露
醒朝醒便因卒還寄君語此邑小鮮聊試烹幸逢

昌朝勿自棄願更努力脩嘉名吾皇親手擁高簪
洒掃六合氛塵清海中夷筐已入貢隴外戶版初來
呈大開明堂議禮樂學士濟濟登蓬瀛大廟冬烝薦
朱瑟千畝春藉垂青絃用材不肯略踈賤銖寸盡上
天官衡况君磊落挹奇器不異一鷄秋空橫豈容久
屈簿領下天道始塞終當亨文章期君歸黼黻借問
報政何時成

送林謨秀才東歸謁松江守

江城秋陰朝不暉落葉古巷人來稀林生何求乃過
我敗屐躡雨投閑扉自言少習澤宮射思侶衆士登

王畿風塵失路因漂轉我豈無志時其違欲充材官
挽強弩關塞莫解窮城圍將從隱者服短褐霜露難
采荒山薇長年旅舍破氈冷坐厭蟋蟀愁伊威諸侯
得意盡輕客顧影竟傍何門依南津昨夜砧杵動風
來燭前驚攬衣家人倚戶望應久宿春未辨悲慙歸
今朝江帆偶東轉願借子語爲光輝嗟予亦坐窮作
崇讀書不出遭罵譏士無賢否貧者鄙此言信矣誰
云非囊乏黃金可揮贈有詩豈救君腸飢雲間使君
本儒者貴顯尚肯矜寒微倘開深池養病鵠翼成待
看摩天飛

玄武門觀帝園

目爇燿燿卧深園羽林儀士初擒獸腥風一嘯猶辟
人况在空山道中見莫憶橫行藜藿間且隨玄豹守
天關垂頭食肉嗟何補漢家將軍乃真帟

美人摘阮圖歌

圓槽象月脩寒玉暗貯宮商滿空腹美人恨抱秋
風偷寫琴中舞鸞曲傾鬟低黛幾娉婷夢約湘娥倚
竹聽滴盡冰盤老蛟泪阿咸帳底醉初醒梧桐落翠
菱蘭紫仙澗流雲含王子甲屏難障夜深寒恐踏驚
鴻忽飛起不識人間出塞聲瑤臺別有斷腸情調終

人去哀絃歇桂樹烏啼滿山月
滿山月一作墜斜月

香水溪

粉痕凝水春溶溶暖香流出銅溝宮月明曾照美人
浴影與荷花相間紅玉飢羞露誰能見只有鴛鴦窺
半面絳綃圍掩怯新涼歸卧芙蓉池上殿空洗鉛妝
不洗妖坐傾人國幾良宵驪山更有湯泉在千古愁
竟一種銷

贈丘老師

長春之孫自仙骨袖有蟠桃食遺核平生不學燒汞
方唾視黃金等何物滿城誰識舊庚素白髮人中似

鶴長時上高樓惟獨醉榴皮書破壁塵香

送許先生歸越

天子下詔徵賢良多士競逐風雲翔先生亦隨使者
起闕下再拜陳封章自稱前朝老進士白髮已短材
非長群龍在廷翊昌運疲蹇豈足追騰驤乞還山林
養餘齒歌頌

聖德傳無疆近臣上殿爲陳請天語特許歸其

卿是時海國風雨涼道士庄下初栽秧故山農事不
可緩歸興倏與高帆揚後容進退遂所願

帝恩甚大誰能量嗟余相逢恨苦晚忽去未免私心

傷明朝相憶望於越江水東逝何洋洋

蔡經宅

昆侖王者王方平身騎黃麟朝紫京舉手長辭漢公
卿得道不顧世上名往來隱玄與朱明洞中各有白
玉城絳衣游空擁幢旌三山五嶽自按行冷風吹動
天樂鳴璫簫琅璈和鸞笙羽衛蹙踏山海崩龍車鶴
馭紛相迎嘯呼神官走吏兵虜魅魍魎踟且驚暫來
經家駐雲程人馬不見但有聲虎頭鞞囊佩蒼精神
光赫然照軒楹授以至言可長生凡骨已作蟬蛻輕
麻姑來會尋仙盟芳姿娉婷似飛璫言從昔年宴蓬

瀛又見弱水三淺清
瓜可爬背念始萌
仙意已識遭
苔榜餘杭阿燒酒
罷傾攝景忽去烟
雲橫家人悲望
空惻惻衆田回首
幾變更神僊在
在每自呈凡夫
不識等瞽育丹元
有田不解耕但
愛狗苟還蠅營
榮華未滿咎責盈
忽化腐鬼歸荒
瑩金丹可學道
可成木鑽石盤
貴精誠誰能自
拔水火坑飛游
往來瑤樹英千
載或有歸來情

獨遊山中憶周記室砥

借居水北隣雲岩醒遊醉
卧月滿三空山孤愁似放
逐踐蛇衝甬窮幽探綠梯
上窺萬仞壁垂綆下汲千

丈潭幽蘿翳壑變朝晦
恠卉發澗留春酣青山識我
豈生客曾與周子來聯驂
是時秋高鶴聲厲霜降兩
嶠終收枘飯餘洗足上堂
坐手揮談塵風毯毯如今
故人亦遠去帆兼暮落吳
江南斷崖蒼蘚漫舊刻往
夢追想情何堪巴僧不厭
客屢至篝燈夜禪同一龕
風回忽洒石門雨日出盡
消溪布嵐乃知山水有深
趣天意獨許窮人諳我今
豈是慕高隱非才濫進能
無慙業緣種種去畧盡惟
有佳句猶相耽便求安心
向佛祖不待婚嫁女與男

送證上人住持道場

訖公昔年住寶坊龍象蹴踏騰毫芒袈裟曾侍玉座
傍萬衆闌聽講仁王弟子如雲來四方朝鍾暮鼓鳴
高堂西歸葱嶺今幾霜鉢傳曇師道彌昌菴林主教
遇聖皇紫衣朝闕隨班行上人繼吐三業芳衲間
長繫摩尼蒼人間萬念俱已忘獨好遊戲談文章我
來京師寄禪房每邀看月開脩廊手橫繩拂坐繩床
竹間風吹煮茗香侍僮觸屏睡欲僵高殿宿鳥驚琅
璫詩成金磬韻尚揚清才未必慙支湯有時夜剪園
韭嘗燈懸西齋雨浪浪人生聚散不可常翩然東遊
主道場道場仍在雲水鄉碧瀾堂前去路長江湖寒

編蛟蜃藏楓柏正赤橙柑黃烟銷日出聞漁柳洲渚
宛轉山低昂蕭然瓶錫隨經囊留宿肯戀林中棄兵
餘慕嗟梵宇荒勝景未逐樓臺亡寺門無人閉夕陽
芋栗收作山中糧好說千偈恢禪網麾斥佛祖誰敢
當我方無用縻太倉叨逐劍珮趨明允醉譎欲覓
玄真狂懷

恩未得尋歸航明朝舉首空相望雲飛笠澤天茫茫

贈墨翁沈象泉

南朝墨法稱奚家相國謬費盈連車堆金欲沽世已
少至今好事成咨嗟潘生後出亦奇絕峨眉僊子嘗

相誇紫殿曾供寫飛出玉堂每用書官麻人間留藏
敢輕試傳玩正比雲龍茶沈翁遠得二子妙珙璧自
羨誰能殿徂徠老節燒欲盡萬杵夜搗玄霜華錦囊
贈我忽在几光恠迸屋驚早鴉一餅團團未磨缺似
月食盡逢妖蠶此物宜歸大手筆濡染竹帛垂無涯
上當紀頌聖功德下可論載臣忠邪我今才薄况病
退破硯久棄塵生窪一朝得此復可用慚註魚豕箋
虫蝦摩挲忽動揮酒興聊吟險句追島又高堂淋漓
為君掃醉汗舊賜宮袍花

聖姑廟

湖心湧出鼇頭山白波翠島非人寰清虛宜作水仙
府鱗堂荷屋居其間淵都群靈孰為主烟鬢儵然一
神女柔姿誰敢狎相親咲叱鼉龍起雷雨玉骨蟬輕
蛻幾秋世緣已斷靜無愁采蘭每約湘濱會拾翠時
陪漢上游水禽翔鳴衛芝蓋長在蒼茫杳冥外鮫人
獻綃裁作衣螺女供珠綴為佩花落間祠謝古春蕙
幃瑤席掩香塵空山夜夜星河遠芳渚年年蘅杜新
霞舒霧捲疑光彩咲語無聞復誰待冷風幾度引舟
迴宛似蓬萊隔烟海猿叫楓林魚躍波桂旗翻翠幕
寒多女巫佇望飛帑度獨奏空戾引曼歌拊觴奠罷

沈玄壁鳥沒遙天湛空碧遺情不結楚臺雲世人何處尋踪跡

送王孝廉至京省其父待制後歸金華

君來金陵自金華遠道輦桶驅行車空山北風正多
雪歲晚何事穿泥沙君言省覲敢辭苦况是日下非
天涯問安已畢起稱壽白門酒香還可賒明燈客窓
共夜語便覺春意迴寒槎子亦叨

息在京國早踏街鼓門初過日斜歸來就空厩索寞
不異投林鴉家人千里望未至虛聽鶯鶯鳴嗟嗟羨
君父子此相見頓起歡笑忘咨嗟異鄉逢人即可樂

况尔骨肉誰能加汝翁文章擅當世片語落紙爭傳
誇身登昌朝列侍從日曳珮玉趨南衙捧函當殿
曉進史乘燭鎖院宵書麻觀君才氣已略似青海異
種多駟駟絲綸便可令世掌胡爲趣別東還家阿婆
在堂待調膳計日敢使歸期差往來兩地慰親念如
君孝意誠堪嘉勞勞亭下冬日短江水未解魚難叉
送君揖手忽已遠烏巾獵獵風中斜重圍題拜想無
恙故園正見開梅花

淮南張架閣家舊有樓在儀鑿江上經兵燹

已廢與予會吳中乞追賦之

秋風嘗歌遠遊篇樓中舉手招飛仙山奔海瀉盡供
覽逸思每出旅鴻前雕欄一別應非昨幾度淮南桂
花落酒酣却作望鄉人那得東歸似黃鶴風景如今
總厭看客愁何處更凭欄欲問日邊知遠近浮雲回
首蔽長安

石崇墓

料須欲怒珊瑚折步障圍春錦雲熱真珠換妾勝驚
鴻笑踏香塵如踏空酒闌金谷鶯花醉家逐樓前舞
裙墜財多買得東市愁羅綺散盡餘荒丘猶憐白首
同歸者坐伴遊魂楓樹下

題朱元暉雲山圖

海岳老仙非畫工自有丘壑藏胸中大兒揮酒亦真
比妙趣政足傳家風敷文閣下書圍淨夢入空山覺
衣冷起招綵筆寫幽踪一片飛來楚雲影彷彿三湘
與九嶷翠峰猶抹二娥眉水生江上鴻歸後樹暗沙
頭春去時蒼蒼遠渡連平麓烟火參差幾家屋林深
谷靜斷行人惟有禽聲啄枯木偶向高齋玩此圖斷
縑猶費千金沽自緣絕筆人間少如此雲山何處無

穆陵行

永穆陵宋理宗陵也在會稽元至元初西

僧楊發輦真住請發宋諸陵許之既取其
殉寶復以理宗項骨為飲器後藉入官以
賜帝師 天兵克元 詔求得之命有司
歸壘焉

樓船載國沉海水金槌畫入三泉裏空中玉馬不聞
嘶日落寢園秋色起魚燈夜滅隧戶開弓劍已出宮
幽臺髡胡暗識寶氣盡六陵松栢悲風來玉顛深注
駝酥酒誤比戎五月支首百年帝魄泣穹廬醉骨飲
寃愁不朽幸逢中國 真龍飛一函雨露江南歸

環珮重遊故山月冬青樹死遺民非

世傳有士嘗竊諸帝骨埋屏處

樹冬青為識 千秋誰解錮南山世運興亡覆掌間起輦谷
前馬蹄散白草無人澆麥飯

題朱氏梅雪軒

石城山居梅萬塢冒雪魯米扣僧戶爛然如見會群
妃白鳳繽紛下瑤圃數片輕吹著鬢華乍看是雪又
疑花迷魂亂眼春如海那辨南枝映竹斜獨披鶴氅
穿林去棟壓寒梢應幾樹聽響方知夜酒時聞香始
識繁開處回首春風憶舊遊尋歸路隔羅浮年來
驢背無詩思醉踏塵埃空自愁聞道君家溪上下玉
藥瓊英巧相亞履跡誰來東郭朝笛聲不起南樓夜

翠羽驚啼莫怨猜，破寒宜共一尊開。
雪晴花發須相記，我亦扁舟乘興來。

和衍上人觀梅

藍輿偶出青山郭，寒梅初晴凍雲薄。
梅花一路幾千株，半發園林半村落。
夜窓轉曙鷄欲驚，寒谷回春蝶應覺。
浩蕩才迷醉客魂，嬋娟更伴幽人樂。
我來如蝶東西飛，不敢題詩慙筆閣。
歸來落月照書屋，重覓餘馨夢難托。
高僧已澄法眼觀，也愛一枝供寂寞。
便拖藜杖敲竹扉，遮莫人嗔賓客惡。
風雨休嗟已亂飄，世間何物長如昨。

天開青驄赤驃二馬歌

漢家諸將開經濟，列宿儲精降人世。
天遣同成一代功，亦有房星化騏驎。
青驄剪鬣高作花，赤驃灑汗微成霞。
人間何處得奇種，恍惚西至踰流沙。
年來百戰從天子，曾逐烏騅到江死。
不慙飽食玉山禾，天旣時清少鞭使。
周五八駿去不來，唐帝六馬應凡材。
何如二龍總超絕，蹴踏四海荆榛開。
圍官雙鞞頻迴顧，萬里長楸怒驚驚。
嘶處秋生閩闔風，浴時曉動昆明霧。
一疋前牽一疋騎，馳道每出隨龍旗。
態閒步穩識上意，不敢搖頓黃金羈。
昨看巡狩還都邑，鏡

吹聲催移伏急羽林萬騎後如雲追逐飛塵豈能及
嗟哉此馬不異人乘時際遇蓋有神請看垂耳監車
者那得昂藏八尺身

題李德新中宗射鹿圖

赭袍玉帶虬髯怒人如真龍馬如帝英風猶似天可
汗宵信昏孱困常武上林草綠聞啾啾飛鞚壁歷梢
長楸畫旗圍合晚猶獵後庭雙陸誰行籌追遊不記
房陵辱五王謫來勢猶獨空誇大羽發無虛不射妖
狐射生鹿畫圖令人生感嗟天寶回首飄胡沙神孫
早解習祖藝不遣銜出宮中花

題趙希遠萬松金闕圖

長松掀髯若群龍下繞宮闕雲千重鳳凰山頭望前
殿翠濤正涌金芙蓉海門日出潮初上白鶴飛來近
仙掌百官候綴紫宸班露滴朝衣氣森爽漢宮揚柳
唐宮花容易零落空繁華何如可獻至尊壽茯苓美
似安期瓜鑿輿因戀湖山好樓閣清陰勝蓬島不知
風雨汴陵前膚卒新樵幾株倒當日榻前初進圖黃
金趣賜聞傳呼何年流落在人世父老猶看思舊都
客行近過吳山下落葉空林惟敗瓦豈無畫史似前
人秋色淒涼不堪寫

芥舟詩

佑容海上誇乘風大編遠憂龍魚宮帆如乘雲落天外不假羽翼行虛空驚濤拍山撼難動安卧每到扶桑紅回頭却笑垂釣子斷溝老葑留孤蓬烏知達人解物表坐視大塊舟航同風輪晝夜不停轉元氣下載浮鴻濛泰山亦與一塵等何以巨細論雌雄君今齋居何苦小自比置芥坳堂中將身便欲入無間險語乍出驚愚蒙我聞懸珠納萬衆此事尚覺勞神功萬千毫髮盡非有幻相欲別誰能窮君行真鼓萬里柁天游閉戶隨西東何須更待積水厚區區往問南

華翁

題周遜學天香深處卷

仙芬染骨濃無跡秋入畫堂蘼不隔夢尋老蟾烟霧迷碎落金蟲夜愁寂素娥舊我無兩麓萬古散吹秋滿空熏羅不藝象龍火人倚畫欄清影中蕙蘭暗泣幽馨歇只有瑤芳占涼月

同謝國史遊鐘山逢鐵冠先生

日日城中望鐘山孤塔縹緲峰孱顏山靈嘲我不一到但命俗駕趨塵闌

聖恩今朝許休沐得與謝客同躋攀出郭未至景已

好松風一派連清灣空林無人遇釋子知有曲徑通
禪關舉頭見寺去尚遠鍾磬響落浮雲間登高不知
已幾里但恹々盡愁辛艱衆山雜逕總在下如擁劍
珮趨朝班時當嚴冬雪始霽古木寒瘦泉流慳梁僧
遺墓卧殘碣宋帝廢墜埋深管六朝陳蹟不可問但
見石老莓苔頑豪華歎盡形勝在劫火幾度燒空殷
鐵冠先生有道者往往入見騎黃斑相迎爲指幽絕
處淪茗留坐聽潺湲莫嫌知客暮未返日墮江水鴉
飛還欲營一遊豈易得長來不比山僧閑

洞庭山

朝登西巖望太湖青天在水飛雲孤洞庭縹緲兩峰
出正似碧海浮方壺嘗聞此山古靈壤蛇席絕跡歡
樵夫濤聲半夜恐竟夢石氣五月寒肌膚居人彷彿
武陵客戶種橘柚收爲租高風欲起沙鳥避明月未
出霜猿呼中有林屋仙所都銀房石室開金鋪羅浮
峨嵋互通達別有路往非人途天后每降龍垂胡神
鉦忽響驚棲颺自懸日月照洞內古木陰蔽空朝脯
風吹白芝晚易老雲帶紫泉秋不枯靈威丈人亦僊
徒深入探得函中符玄衣使者不暇惜欲使出極蒼
生蘇後來好事多繼往石壁篆刻猶堪摹千年玉鼠

化蝙蝠下撲炬火如飛烏玄閨拒閉誰復到似恠衣
上腥塵汗勿言神仙事恍惚靈蹟具在良非誣我生
擾擾胡爲乎坐見白髮生頭顱久欲尋真未能去局
束世故緣妻孥何當臨湖借漁艇拍浪徑渡先雙鳧
獨攀幽險不用扶身佩五岳真形圖夜登天壇掃落
葉自取薪水供丹爐此身願作仙家奴不知僊人肯
許魚狂語醉發應盧胡

喜家人至 京

家人遠來如我歸骨肉已是故鄉非妻羸女病想行
苦塵土覆面風吹衣裝車日暮解牛軛呼燭買酒敲

隣扉客懷乍見不得語一室相對情依依憶昨初蒙
使者徵遠別田舍來 京畿小臣微賤等蟻蝨

召對上 殿瞻

天威詔從太史校金匱每旦珥筆趨彤闈春遊禁苑
侍 鶴駕冬祀泰時隨 龍旂有時青坊坐陪講宮
壺滿賜露 恩輝草茅被寵已踰分不才寧免誚與
譏海鳥那知享鍾鼓野馬終俱遭籠鞿江湖浩蕩故
山遠歸夢每逐鴻南飛常時出院就空館僮僕愁對
語者稀知君在舍亦岑寂歲暮雨雪吟蚺蟻今宵得
見信可樂如獲美饌飽我飢但憂兄姊尚遠隔言笑

未了仍歎歎何當乞還棄手版重理吳榜尋漁磯門
前親種一頃稻婢供井臼妻鳴機秋來租稅送縣畢
秫酒可醉鷄豚肥誰言此願未易遂
聖澤甚沛寧終違

題茅叟夏山過雨畚

前山冥冥雲欲開後山隱隱猶聞雷江南六月風雨
過樹暗不見巫陽臺奔湍衝斷石橋路下瀉谷口相
喧飀陰開林壑鬼神去氣濕古洞蛟龍回人家出門
看新霽泥封墜果多楊梅漁樵欲歸謂已暝返照石
壁蟬鳴哀山中此景誰解寫茅翁素有丹青才新圖

一片似海岳高堂未展涼先來嗟奈久逐揮汗客席
帽障日趨黃埃問翁幾欲東遊去如此畫圖安在哉

象

海山巨獸堪乘戰奮使前年遠來獻寶纓纏絡錦襜
垂拜舞如人向金殿仙仗時巡出鳳城車輿頻駕不
曾驚有牙莫畏焚軀禍天子深仁愛尔生

太湖石

没人采石山根淵投身下試飢蛟涎馮夷不解護潛
寶幾片捧出如青蓮寒姿本是湖水骨波濤漱擊應
千年初疑鬼恠離洞府珊瑚鉄網相鈎連嵌空突兀

多異態雲吐夏浦芝生田龍鱗含雨晚猶潤豹質隱
霧朝常鮮清音叩羅磬韻遠徹靛洗出珠窩圓坐移
各岫置庭砌日照彷彿生紫烟三峯削成秦華掌一
穴透入仇池天醉中時到倚蒼蘚秋風冷逼吟詩肩
洛陽園墅汴宮苑當時駢列誇奇妍黃羅封蓋素甌
裹萬里貢餉勞車船奢游事歇家園廢盡仆荆棘荒
池邊人生嗜此亦可笑有身豈得如石堅百年零落
竟誰空空品甲乙煩題鵠又嗟此石何獻巧自名鑿
取虧天全不如頑礦世所棄滿山長作牛羊眠

北江觀猿

黑衣公子何嫋娜飛桂枯梢不愁墮幾迴呼下白雲
間拋賜曾嘗內園果家鄉何處是巴西回首烟蘿望
欲迷料得孤舟江上客月明少聽一聲啼

會客成均汲玉兔泉煮茗諸君聯句不就因
戲呈宋學士

白兔如嫌桂宮冷走入杏花壇下井嫦娥無伴每相
尋水底亭亭落孤影曾搗秋風玉臼霜至今泉味帶
天香玉堂仙翁欲飲客鹿盧夜半響空廊齋燈明滅
茶煙裏醉覓忽醒松風起只愁詩就失弥明殘雪滿
庭寒似水

謝友人惠兜羅被歌

蠻工細擘水蠶繅織得長衾謝縫剪蒙茸柳絮不愁
吹鋪壓高床夜香軟朔風入闕凋白榆塞寒此物時
當湏明燈熾炭夜宴罷薦寢宜共紅氍毹海客揚帆
遊萬里得自崑崙國中市歸來遺我見遠情重似鴛
鴦合惟綺詩人鶴骨欺霜稜曾直禁署眠青綾自從
身退得閑卧只愛權紙同山僧今朝得此何奇絕展
覆不憂兒踏裂便思清夢伴梅花靜掩寒窓聽風雪
越羅蜀錦安可常洞房美女謾熏香誰知一幅春雲
煖即是溫柔堪老鄉

偃松行

龍門西岡魏公祠祠前有松多古枝長身蜿蜒橫數
畝巨石作枕相撐撐春泥半封朽死骨凍鮮盡裂皴
生皮無心昂聳上霄漢偃仰獨向荒山垂蟄雷破岳
撼不動千載一夢醒何遲政如卧龍未起日深意有
待風雲期太湖月出照夜魄天峯雪積埋寒姿濤聲
時吼若軒息野老驚起山僧疑左伸右屈多異態天
自出巧非人爲畫師安能把筆寫樵子豈敢操斤窺
杜陵枯柵已樵悴蜀相老柏非瑰奇何如此樹惟且
壽呵衛定想煩靈祇不知已閱幾人代游客過盡今

存誰明堂屢興不見取得全正愛同支離我嘗來觀
忍遽反醉坐其上高吟詩葛陂筇竹亦騰化神物終
去可久羈何當一叱使飛起載我萬里游天池他年
還訪舊城郭正是白鶴歸來時

白馬澗

白馬何不居天關乃在古寺長松間竒姿不受世羈
絡遠自竺國馱經還澗邊飲罷寒雲起恍惚化龍跳
入水空山夜雨不聞嘶埋沒蹄痕紫苔裏高僧一去
今幾年世上神駿還誰憐莫令老逐風塵子憔悴哀
鳴涂路邊

贈治冠梁生乞作高子羔舊樣

野人散髮秋半稀小冠宜着稱短衣清時無能耻
恩澤朝簪乍脫歸田扉進賢我我在頭上此物須當
付卿相閉門方欲誦詩書煩君為製依吾樣

賦得烏衣巷送趙丞

差差舞羽多光彩鄉國初辭度雲海江南門巷有題
名識得當年故巢在春風三月滿京華官入尋常
百姓家隨鶯已度龍池柳引蝶還穿鳳苑花綠蕪
芳草長千渚樓閣初晴社前雨江邊今日有離宮留
人看上墻頭語

宿蔡村夜起

四更鷄叫七星爛獨起開門候天旦月掛愁邊人影
低風驚夢裏烏群散孤舟嫠婦寒自泣破屋老農貧
屢歎早冷欲發未逢安客路飄零正多難



客舍雨中聽江鄉吹簫

客中久不聞絲竹此夕逢君吹紫玉斷後哀鴈總驚
啼我亦無端淚相續數聲嫋嫋復嗚嗚散入寒雲細
欲無愁望洞庭空落木夢遊秦苑總荒蕪曲中只訴
君心苦不道人聽更悽楚闕山燈下歎羈臣江浦舟
中泣嫠婦憶昨閭門費酒貲玉人邀坐弄參差彩霞

深院花開處明月高樓鶴去時如今忽在他鄉外風
雨寒窓兩憔悴恨無百斛金陵春同上鳳凰臺上醉
始知嶰谷枯篁枝中有人間無限悲願君袖歸挂高
壁莫更相逢容易吹

午日有懷彥正幼文

去年歸鄉過重午柳雨莎風滿南浦白蓮閣上與君
吟遙憶徐君隔淮楚今年風雨又端陽却在秦淮憶
故鄉徐君已歸若相見應言前事一淒涼客愁欲斷
翻長咲人事推遷古難料明年未省又何之一盃且
聽江南調



二
高
九
金
魚
卷
九
日

三
十
二

